

河南通志

河南通志

河南通志卷之六十九

流寓

古者諸侯大夫各守其國世其爵祿然列國有寓公之禮而大夫亦往往游仕他邦如防叔自宋遷魯爲孔氏祖堯之後在晉爲范氏在秦爲劉氏記所稱別字爲祖者皆是也後世郡縣寓內天下一統士得安其土著食舊德服先疇幸矣然或仕宦而樂其風土或遭亂而播遷杜甫流落劍川後人猶援以爲重赤甲東屯之名與山川相輝映豈非地以人靈而文章氣節有不可得而泯者耶中州爲四方戾止地漢晉以來遊梁入洛者勿論迨宋元祐諸老致政間居與

伊川堯夫並卜宅於洛水之上德星聚矣志流寓

開封府

戰國虞卿趙人趙孝成王時拜上卿故號虞卿時魏相
魏齊亡走趙匿平原君家秦昭王欲爲范雎報仇貽
書趙王令斬魏齊魏齊夜亡過虞卿虞卿乃棄相印
與魏齊亡走大梁欲因信陵君以走楚信陵君畏秦
初猶豫未肯見後以侯嬴言駕如野迎之魏齊已自
刎虞卿遂流寓大梁不得意乃著書上採春秋下觀
近世曰節義政謀凡八篇世傳之曰虞氏春秋

漢司馬相如字長卿蜀人遊梁爲梁孝王客居數歲著
子虛賦後武帝讀其賦飄飄有凌雲意召拜爲郎

鄒陽齊人始仕吳吳王有異志乃去吳遊梁陽有
智略忼慷不苟合年壽公孫詭等嫉陽讒之孝王王
怒下陽吏將殺之陽從獄中上書孝王立出之卒爲
上客後勝詭以邪謀獲罪孝王得自全于漢鄒陽之
力居多

枚乘淮陰人始仕吳以吳王濞有異志上書諫諍王
不從乃去吳游梁與鄒陽莊忌之徒爲孝王客以文
辭見重

枚臯字少孺乘子乘在梁娶臯母爲小妻乘東歸臯
母不肯隨乘怒分臯數千錢留與母居年十七上書
梁共王得召爲郎後之長安上書北闕自陳枚乘子

上大喜召見待詔臯因賦殿中詔使賦平樂館善之
拜爲郎臯爲文疾受詔輒成故所賦者多司馬相如
善爲文遲故所作少而善于臯臯賦辭中自言爲賦
不如相如凡可讀二十篇

南北朝樊遜字孝謙河東北猗氏人性至孝喪父負土
成墳植栢方數十畝朝夕號慕復感母言專心典籍
恒書見賢思齊四字自勵屬本州淪陷寓居鄴中爲
臨漳小吏擢主簿武定七年徙陳留梁州刺史以遜
兼錄事參軍仍舉秀才第一清河王岳爲大行臺率
衆南討以遜從軍假大行臺郎中使江南得報岳因
與修盟大軍還鄴以都官尙書舉薦遷吏部詔令校

定羣書清河初爲主書參典詔策天統元年加員外郎卒

宋馮元字道宗始平人三世事嶺南爲日官隨劉鋹歸宋遂來開封博通五經舉進士累官國子直講真宗召講周易泰卦元推君臣交感之義上大悅仕終戶部侍郎卒贈本部尙書諡章靖

王旦字子明大名人父祐太平興國初以史館修撰鄴開封府因家焉旦舉進士累官至右僕射三遷至太尉天下稱爲賢相卒諡文正乾興初詔配享真宗廟庭墓在府城東三子雍國子博士冲左贊善大夫素尙書左丞

錢惟演字希聖杭州人父吳越王叔歸宋賜第開封
因家焉惟演少有後才累官兵部尚書樞密使大聖
中改崇信軍節度使卒于官贈侍中諡文僖所著典
懿集三十卷從弟晃進士及第累官右諫議大夫易
累官翰林學士

劉安世字器之魏人少爲文彥博獎識既舉進士不
就選從學司馬光容盡心行已之要先告以自不妄
語始調洺州司法宣仁太后時擢右正言進諫議大
夫未幾遷實文閣待制樞密都承旨正色立朝面折
廷諍嘗侍高宗汗曰之曰殿上虎章惇惡之初黜南
安軍再貶少府少監三貶新州別駕安置英州

館獄起蔡京乞誅安世讒雖不行猶徙梅州惇與蔡
卞欲必置之死因役者入海島謀殺之世宗令自
裁又擢一土豪爲判官使殺之其人將入境一夕斃
乃免投荒七年凡遠惡地無不歷之蔡京旣相連七
謫至陝州羈管稍復承議郎卜居宋都宣和七年卒
元年仁廬州人至元初阿木兵南下仁家爲所掠父被
殺母及兄弟皆散去仁年七歲鬻爲汴人李子安奴
力作二十餘年子安憐之縱爲良仁踪跡得母於潁
川兄於睢州弟於邯鄲皆爲役尙無恙乃徧懇親故
貸鈔百錠歷詣諸所求贖之經營百計更六十年乃
得遂大小二十餘口復聚居爲良孝友甚篤鄉里嗟

之大德二十年旌其家

明薛瑄字德溫號敬軒山西河津人父貞永樂中除鄆
陵教諭時制郡邑乏科貢之士司訓者充戎貞憂之
瑄於是隨父任補弟子員是年庚子發解河南明年
登進士授監察御史手錄性理大全潛心誦讀深造
力行著讀書錄正統初視學山東首以白鹿洞學規
開示學者遷大理少卿時王振勢倣薰灼欲借交于
瑄以爲重瑄不納振恨甚會平反冤獄事連振姪山
爲振誣陷坐大辟後赦死創籍放歸景泰初起大理
寺丞尋陞南京大理卿天順改元遷禮部右侍郎兼
翰林院學士召入內閣知制誥尋爲會試總裁事竣

轉左侍郎居數月見石亨等亂政瑄嘆曰君子見幾而作寧俟終日耶乃移告西歸卒年七十六詔贈禮部尙書謚文清隆慶六年從祀 文廟

宋禮字惟寅直隸大興人成化中進士歷遷河南副使提督學校正身率物士類馴服尋擢按察使時逆瑾用事禮以抗直免官貧弗克歸寓陳留作草舍一區玩易于中歷二十餘年食或不繼有餽者輒謝弗受及遭疾屬其子曰塋縣東俟有力歸祔先塋語畢衣冠端坐而逝

阮漢聞字太冲本浙人居汴以尉氏阮故土也徙居焉博覽墳索篤志古業中州士翕然從之游戶外屢

恒滿屢徵不起卒有詩集數卷行世

歸德府

唐高適渤海蓼人少獲落不事生業家貧客於梁宋以詩名釋褐汴州封邱尉累官刑部侍郎轉散騎常侍加銀青光祿大夫進封渤海縣侯

宋田京字簡之滄州人徙鹿邑舉進士累官兵部郎中知滄州拜右諫議大夫卒京尙氣節喜論議頗通兵戰歷算之術所著有奏議十卷

杜衍字世昌山陰人少苦志篤學擢進士第寶元中累官同平章事集賢殿大學士兼樞密使薦引賢士沮抑倖倖朝廷賴之慶歷七年以太子少師致仕年

八十七寓居睢陽與侍郎王渙司農卿畢世長郎中
朱貫馮平結社賦詩如香山故事睢陽人敬如神明
繪像以傳皇祐中遷太子太保召陪祀明堂衍稱疾
固辭進太子太師封沂國公卒贈司徒兼侍中謚正
獻渙太原人年九十世長雲中人年九十四俱致仕
家睢陽貫沛國人年八十八平始平人年八十七俱
致仕家南都

范仲淹蘄州吳縣人仲淹少孤隨母適長山朱氏讀
書應天因家於寧陵舉進士第爲廣德軍司理叅軍
迎其母歸養改集慶軍節度推官始還姓更其名晏
殊知應天召宣府學尋通判河中府徙陳州江淮京

東大蝗旱命安撫之還以太平州民所食烏昧草呈
進出知睦州召還判國子監元昊反知延州分六將
城清澗請建鄜城又修承平永平等十二砦改邠州
觀察使城大順城築細腰葫蘆諸砦仲淹王書秦州
委文彥博慶州用服宗諒元昊請和乃召拜樞密使
除叅知政事後以陝西四路宣撫使知邠州徙潁州
未至卒年六十二諡文正先是仲淹以中庸投張載
實開理學之源爲文必原本六經又自少卽以天下
爲己任先憂後樂蓋本學間爲經濟者康熙五十三
年從祀文廟

元趙天麟東平人僑寓夏邑博學能文舉鄉貢所著有

太平金鏡策行世

皇清陳維崧字其年宜興人祖于庭前明左都御史父正
慧與商邱侯方域交善同罹阮大鍼之禍方域避亂
陽羨以女許字維崧弟宗石後宗石入贅遂爲宋人
維崧亦寓宋與弟同居維崧爲文長於排偶長洲汪
琬稱爲七百年一人後以博學宏詞徵除翰林檢討
纂修明史卒於官

彰德府

隋盧大翼字協昭河間人閒居味道不求榮利博綜羣
書尤善占候紀纂之術徙居林慮山茱萸澗請業者
自遠而至初無所拒以之坐事當死高祖惜其才釋

之後目盲以手摸書而知其字大業未卒于洛陽

宋李士明大名人徙居相州累世同居信誼氣節聞於河北與寇準爲布衣交比準守魏郡以狀奏聞旌表其門子輩天聖八年進士

元李秉彝北平人徙家於相讀書工篆隸爲彰德路轉運使歷戶部尙書所居有閑邪齋號閑邪老人有文集

王博文東魯人徙家於相從憲宗南征歷官禮部尙書後遷江南道行御史臺中丞卒贈魯國公諡文定高鳴真定人徙家於相少以文學知名累官彰德路總管政暇詣學舍親講經義境內化之郡邑知有經

總管政明諸學舍新詩總序
學自鳴始世祖卽位賜誥命金符召爲翰林學士累
官吏部尙書卒謚文獻所著有河東集三子書訓翰
林直學士易訓河北道廉訪副使詩訓太常博士
明謝榛字茂秦臨清人以詩雄于時嘉靖中與王世貞
李攀龍等倡和稱七才子趙康王聞其賢厚幣延之
待以上客遂占籍安陽

衛輝府

周呂尙字牙嘗居東海史記世家作東海上人其先爲
四岳佐禹平水土有功封于呂本姓姜從其封姓曰
呂年七十屠牛朝歌久之去隱於磻溪周西伯出獵
遇之與語大悅曰自吾先君太公望子久矣故號太